

bevinden zal, want eer dit aldus gheviel, was gheboden van ons voors[creven] gheduchts heren wegghen, soe wie die Enghelsche susteneerde, dat ware op sghens plucht diet dade. Ende voord d'Enghelsche cooplude [die]<sup>a</sup> in dezen scepe ghevaen ziin die kenden ende lieden, dat die huële toebehoorde t'Hul in Engheland, ende al tgoed datter in was, ende stelden hem zelve te renthcoene. So ghemerct dat voors[creven] es ende dat van den goede niet meer quam in den handen van dezen voors[creven] Heyne, dan hem meester Jan Buuc voors[creven] gaf over zinen loen, ghelie enen anderen scipman, hy mit dezen van den eesche sculdich es onghhouden te zine, want ter waerheyt bevonden zal ziin, dat die voors[creven] scepen ende goed in der manieren voors[creven] wel ende redelic ghewonnen waren.

336. *Weitere Klageartikel der hansischen Rathssendeboten gegen die Fläminger.* — 1387 Jun. 29.

*L aus Stadtarchiv zu Lübeck; vgl. Nr. 334.*

Dit zin de clachten van den schaden, die de zendeboden der osterschen steden over gheven den ghedeputerden des heren ende des ghemenen lants van Vlaendren te Andwerpen int jaer 87 up den 29. dach in Junio, omme des willen, dat ter dachvaerd te Dordrecht int selve jaer up den ersten dach van Meye de vorsecreven schade den vorsecreven zendeboden niet te kennesse komen was, dat welke onverzumet stont tot deser tiit, dat hem te kennesse quam.

1. Item so claghet Conrad Vinke, alsoe dat em namen die van Ghent in den tiiden dat Brughe ghewonnen was 158 franken.

2. Item claghet die selve Conrad, alsoe dat en de van Ghent vinghen opten donredach na sente Jacobz messe int jar van 85<sup>1</sup> twischen der Ghoes ende Katz ende voerden en binnen Ghent, daer sie en schatten jof remmersoenden ende namen an ghelde ende te schaden daden op 133 franken.

3. Item claghet Jan Hoghedorp: Tideke Hoghedorp ende Peter van Prützen, borgher to den Sonde, hadden gheladen en schip, dat vorede Herman Hoghedorp, dar waren inne 30 last biers, 2<sup>1</sup> leste meels, en last speckes jof vleesch, welk schip ende goed dat nam ende vinc Pieter Moerman ende sine helpers int jar van 85 ende bi halfastene<sup>2</sup>, ende binnen den Zwene jeghen sente Cathelinen, dar van sie den schipheren ende den coopman doot sloghen ende die schipmans zwarliken quetsten. Welk schip, goed ende schade reket is 800 mark Lubisch sonder die doden liede.

4. Item claghet Conrad Músin, borgher to den Sonde, in ten tiiden alsoe die grave van Vlandren saliger ghedinnesse hadde dat lant weder ghewonnen, do hadde hie lecghende to den Damme 40 laste herinx tobehorende em ende sinen vrienden. Den herinc nam em die here, ende den moste hie weder lossen vor 30 *℥* grote.

5. Item die selve Conrad hadde noch 14 laste harinx ter Sluus, dar hie der ghelike van gheven moste<sup>3</sup> 14 *℥* grote.

6. Item claghet Hinric Schepel, borgher to den Sonde, alsoe dat hie metghaders Jan Wicke den schipheren hadde gheladen ende schepet in tvorsecreven schip linnwaet ende allertiere goed, en beeden ende eren vrenden tobehorende, welk schip ende goed die van den casteele ter Sluus namen int jar van 86 op sente Jans messe<sup>3</sup>, dar sie al ute namen, dat sie wolden, ende lieten en nicht mer dan tship ende seyl. Do seylde die schipher dat vorsecreven schip te lande, ende

<sup>a)</sup> die fehlt L.

<sup>1)</sup> 1385 Jul. 27.

<sup>2)</sup> 1385 Mrz. 12.

<sup>3)</sup> 1386 Jun. 24.